

陵川縣志

庫增銀題

陵川縣志卷四

物產略

陵川地勢高寒動植均稀據古老傳聞五十年前動物較今
尚多至程志所載昔有今無者尤夥適者生存理固然也志
物產略

穀類

粟

黍

硬黍
粘黍

稷

穠

菽

燕麥

菽

大豆
小豆

藁豆
蠶豆

蠶豆 漿 薔 秫

齊民要術云莖高丈許穗大如帚其子作米可食
元扈先生曰北方地不宜稻麥者種此可濟荒俗名千歲穀

蔬類

葱

韭

芥

芹

蔓菁

胡葵

茼蒿

茄

蘿蔔

其大
二十斤

者蕨 蒜 王瓜 南瓜 海瓜 蒿苳 苦苳 蒼達 莧

蘑菇 葫蘆 瓠 菠菜 白菜 木耳 地菰

果類

柿 桃 李 杏 梨 棗 榛 栗 羌桃 石榴 葡萄

銀杏 羊棗 蘋果 沙棠 棠梨 文官果 鴈過紅 楸

子木瓜

木類

松 柏 桑 柘 槐 檜 椿 榆 柳 青 楊 白楊

漆 栲即橡 櫟一名白機體輕而理 青桐 檀 椒 栗

檣 欂 德國槐

花類

牡丹 芍藥 棠棣 海棠 丁香 紫荊 玫瑰 紫薇

山丹 粉團 石竹 玉簪 迎春 月季 菊 葵 萱

蓼 凌霄 合歡 文無 金銀花 鳳仙花 鷄冠花 金

盞花 虞美人 捲丹 麥色 珍珠 長春 翦紅羅 紫

蝴蝶 秋海棠

藥類

蒼朮 芍藥 黨蔘 地黃 豬苓 紫蘇 桔梗 荊芥

防風 柴胡 細辛 薄荷 藁本 黃連 本通 菖蒲

山查 連翹 赤石脂 天南星 何首烏 地骨皮 兔絲

子 葛根 百合 黃精 牽牛 五靈脂 桑寄生 欵冬

花 馬兜鈴 艾 酸棗仁 當歸 黃芩 茯苓 管仲

黃芪 藎麥 草薺 菴蓂草 羊蹄根 蒲公英 旋覆花

夏枯草 槐實

草類

茅香 紫草 黃蓓 苜蓿 馬藍 地菽 青芝 龍鬚

葦 荻 莎

毛類

牛 馬 羸 驢 犬 羊 豕 虎 豹 豺 狼 獾 鹿
麋 麕 獐 狐 兔 猴 豪 豬 黃 狼 山 羊 貓 野

貓鼠 毚令 獬紉 獬屬頭有髦 麋

羽類

鷄 鴨 雉 鵠 鴉 雀 鳩 鸛 烏 鸛 鳶 鵠

燕 鴈 倉庚 布穀 黃鸝 啄木 杜鵑 鷓鴣 脊令

石鷄 青田田 王世隆禽語序云晉人尙蠶譯曰蠶老防 半翅 一名半雉又曰半

易襲說見 獨悞 陵川山中多有之 寒號蟲

蟲類

蠶 養法與南省同惟初曰毛眼中曰 蜂 蝶 蟬 蛙 蛇

螢 蝟 蟲 蠅 蜥蜴 蟋蟀 蜻蛉 螽斯 果羸 蚯

蚓 蝎 龍 龜 土狗 蜈蚣 蚱蜢 屈步 打絲蟲

貨類

絲

麻

出陵川者佳用作船纜以其從外朽也

棉花

鐵

錫

蜜

硫黃

黑

礬

礬

麻油

石灰

石炭

桑皮紙

橡殼

赤木

染絳作秤

桿不曲

黃蘆

染黃作火炬風雨不滅

稔油

附朱樟冬秀亭桑蠶麻論三條及李志種漫說一條

往與陽城田侍御樹滋論蠶桑事談及吳中蘇杭等郡倚蠶爲春

收栽桑之法與山右不同南桑先下子壓條少長接枝其葉厚

而大其不接者名野桑飼蠶不宜或值葉多蠶少之年其頭葉

須盡捋去令長二葉以飼原蠶

即二蠶一名秋蠶

一是以蠶家科桑不令

頭葉長過夏秋也頭蠶絲堅韌中紗羅用二蠶絲光采奪目織

綾尤宜澤郡桑多不接生崖礪路傍不加灌溉土不肥潤任其
荒燥每見葉多筋絲繭絲過麤上機組紝每多紕類皆不講培
養桑本之故也考農政全書云桑種甚多唯魯桑少樵葉圓厚
而多津其邊有瓣者荆桑葉當以魯桑條接之齊民要術云凡
耕桑田不用近樹其犁不著處屬斷令起所去浮根以蠶矢糞
之王楨曰剝音川去木枝也桑十二月爲上時正月次之二月爲下蓋
桑多宜苦斫桑少宜省剝也農桑要旨云平原土肥荆桑魯桑
種種俱可若山陵土脈赤硬止宜荆桑土農必用云培桑最宜
春分前後十日及十月並爲上時宜栽培以養元氣鍾化民曰
種桑用魯桑子下種在正二月至八月亦可種根要埋直泥要挨緊以

水糞澆灌方有生意黃省曾曰凡桑本縑皮者葉小而薄白皮而節疎芽大者爲柿葉桑葉大而厚繭堅而多絲高而皮白者宜山岡之地墻隅籬畔邇於灶屋尤宜又曰藝桑之園不可藝楊甲之虫宜勤捕之接桑之法有插接有劈接有壓接有搭接有換接務本新書曰桑聞鐵腥則枝幹愈旺迤南地分十月埋栽河朔地寒故宜秋栽以霖雨爲上時又曰壓條法寒食之後將二年之上桑全樹以兜櫬祛定掘地成渠條上已成小枝者出露土上其餘條樹以土全覆之樹根周圍撥出土盆旱宜澆灌如無元樹止就桑下脚窠依土掘渠埋壓六月不宜全壓土農必用云桑可科去者有四一瀝水條

向下一刺身條

垂者

向裏生者一

駢指條

相併生者先去其一

一冗脞條

雖順生却繁冗

斫樹以臘月爲上正月次

之接換之妙在時之融和手之審密封繫之固擁包之厚使不至疏淺而寒凝也元扈先生曰接桑必待月暗自下弦至上弦皆可晦日尤妙自上弦至下弦皆忌望日尤險接須老樹肌肉與接頭肌肉相對著用先牛糞和土成泥封泥其接頭周圍用桑皮縛纏牢固又用牛糞土泥封所縛桑皮然後用濕土封堆接頭上可厚五寸周圍荆棘遮護接大桑宜劈接插接小桑宜搭接壓接博聞錄云柘葉叢生幹直宜厚春蠶食之其絲以冷水繰謂之冷水絲柘蠶先出先起先蠶柘葉隔年不採者春再生必毒蠶如不採夏月必要打落方無毒知此則桑必去隔

年葉卽其義也羣芳譜採桑法高樹用梯摘不傷枝遠出強枝當用斧轉腕回刃向上斫之枝查旣順津脈不出葉必復茂諺曰斧頭自有一倍葉此善用斧之效也柔桑不用梯須製桑儿如高橙下列二橈登呖斯易便摘葉而不傷樹又糞桑宜蠶矢根下蠶龜甲則不炆不生黃衣

澤州蠶絲之利甲於他郡因編集種桑之法以示邦人他日桑田春茂行南陌者幸毋忘使君也

冬秀亭雜記

往在志局與孔孝廉協中論養蠶法吳中於清明後浴紙飼蠶西北高寒每在穀雨後蠶不宜風北地山高其飼蠶法雖與南大同小異唯蠶室不密蠶受風傷吐絲不成臨熟每多殭殞者按

雜五行書云二月上壬取土泥星四角宜蠶齊民要術云屋欲四面開牕紙糊厚爲籬屋內四角著水火若在一處則冷熱不均調火令冷熱得所熱則焦燥冷則長遲蠶小時採桑者懷中令煖然後切餌以得人體則衆惡除每飼蠶則捲幃幃飼訖即下蠶見明則食也老時值雨則壞繭宜於屋內安簇

簇蠶具吳中謂之上

山薄布薪於箔上散蠶訖又薄以薪覆之一槌得安十箔薪下

微生炭火得煖則作速傷寒則作遲薪用蓬蒿取其涼無鬱渴之憂死蠶旋墮無汚繭之患沙策不住無癢痕之疵鬱渴則難練繭汚則絲散癢痕則無用其外簇者晚遇天寒則全不作繭用火易練而絲明日曝死者雖白而漕脆農桑通訣曰蠶起眠

時葉不可帶雨露爲風日所乾及澀臭者令蠶生病常收葉以備霖雨則不食濕葉亦不失饑蠶忌冷蠶母着衣自覺身寒則蠶必寒便添火自覺身熱蠶亦必熱約量去火天氣晴明暫揭簾薦以通風日南風則捲北窻北風則捲南窻則不傷蠶大眠起後剪開紙窻透風日天氣炎熱門口置瓮添新水以生涼氣如遇風雨夜涼簾薦放下蠶沙失分則稠疊失擡則烝濕柔輭之物易於損傷生疾也南蠶皆四眠北蠶多三眠候十蠶九老方可上簇北方蠶多露簇多壓損壅悶唯宜內置蠶簇用以木架平鋪蒿稍布蠶於上蓆箔圍護爲良元孟祺農桑輯要謂蠶性在連

在紙上

則宜極寒成蟻則宜極煖停眠起宜溫大眠後宜

涼臨老宜漸煖入簇宜極煖黃省曾曰蠶性喜靜惡喧喜煖惡濕室靜可避人聲喧鬧室密可避南風襲吹室板可避地氣蒸鬱務本新書云冬日宜收牛糞堆聚春煖踏成塹子晒乾若起烟時其氣宜蠶齊民要術云蠶室四面開窻紙糊爲籬收拾火氣蠶小時以牛糞燒令無烟約量頓大近二眠而止若寒熱不均則眠起不齊若燒柴薪則烟氣動烝太甚務本新書云蠶必晝夜飼頓數多者蠶必速老少者遲老二十五日老一箔可得絲二十五兩二十八日老得絲二十兩若月餘四十日老一箔止得絲十餘兩又云擡蠶要疾沙宜頻除久而發熱熱氣薰烝後多白殭如遇賊風後多紅殭黃省曾云蠶不可受油鏹氣不可受

煤氣不可焚香不可佩香犯則焦黃而死不可入生人犯則游
走而不安箔蠶室不可食薑及蠶豆蠶婦之手不可擷苦蕒犯
之蠶必青爛食苦蕒者不可入蠶室韓氏直說蠶有八宜方眠
宜睡眠起後宜明蠶小向眠時宜煖宜暗蠶大并起時宜明宜
涼向食時宜有風避近風窗宜加葉緊飼新起時怕風宜薄葉
慢飼蠶之所宜不可不知務本新書蠶忌忌食濕葉忌食熱葉
蠶之初生忌屋內掃塵忌煎燂魚肉忌烟火紙房內吹滅忌側
近春搗忌敲擊門牕灶箔有聲之物忌哭泣叫喚穢語淫辭忌
燈火光夜照牕孔忌未滿月產母蠶母忌更換顏色衣服洗手
潔淨忌帶酒人飼蠶擡解忌烟薰忌放刀灶上箔上忌熱湯潑

灰忌衣孝人入家忌燒皮毛亂髮忌酒醋五辛麝香等忌當日
迎風窻忌西照日忌熱著猛風暴寒忌正寒陡令過熱忌不潔
淨人忌蠶室近糞穢 蠶欲老可簇地盤燒令極乾除掃灰淨
於上置簇此北方之法因與孝廉閒話採取各條備書如左

於上置簇此北方之法因與孝廉閒話採取各條備書如左

陵川僻居萬山中爲一郡清涼之域其地宜麻往與林明府問及
麻利大都南麻外輒內脆唯產陵川者中外堅韌綱製梔索外
雖磨鉛而內不絕股故舟人利之按齊民要術云凡種麻地須
耕五六遍倍益之以夏至前十日下子亦鋤二遍仍抽拔稠間
細弱不堪留者即去却一切但依法除蟲災外小旱不致全損
緣蓋磨數多故也崔寔曰夏至先後五日可種牡麻

牡麻有種花無寔

花牡
無麻
寔有
種

繅麻地宜肥濕早在四月種遲在六月亦可繁密處芟去易長
蘇恭曰繅麻宜十月採陰乾爲佳農桑要訣蒨與黃麻同時熟
刈作小束池內漚之爛去青皮麻片潔白如雪耐水爛可織爲
毯被爲汲綆牛索或作牛衣草履等具農家不可無者齊
民要術云麻生數日中常驅雀布葉而鋤勃如灰便刈束欲小
縛欲薄爲其一宿輒翻之則得霜露穫欲淨有葉者漚欲清水生
熟合宜濁則麻黑水少則麻脆生則難剝太爛則不任挽泉不
冰凍冬日漚者即爲柔脆也

淺產上黨陵居上黨之脊藥產有淺前志名而未詳按淺根入
於土苗生蘆頭瓢長葉小開花結子舊時野生不蕃近有種者